



Extrait de la revue **SingulierS** du 1^{er} trimestre 2005

Revue des parlers romans de la province de Luxembourg

Editeur responsable: P. Otjacques, rue de la Hette 19 - 6840 Neufchâteau

Rubrique : Un air entre deux ères

Cette rubrique, rédigée par Joël THIRY, accueille des chansons originales qui ont été composées dans les localités du Nord de la province de Luxembourg et dont les sujets sont inspirés de l'endroit lui-même ou d'événements qui ont marqué le compositeur. Les partitions sont établies avec le concours de Gérard Lambert et de Pauline Thiry.

Le 26 juin 1970, alors que Gaston Eyskens est Premier Ministre et André Cools, ministre du Budget, le Parlement adopte le projet de loi sur la TVA. Peu de temps après, Sidonie Michaux-Lacroix de Barvaux réagit en écrivant un texte sur l'air de Cadet Rousselle.

Li T.V.A.

Nosse grand Minisse dès Finances
Ki pwète on simpatike pognon,
Nos-a todi pwèrté bone chance
Avou sès grandès-invancions.
I nos-a co prové çoula
An tot-z-instôrant l' T.V.A.

Rèspleû
Ah ! Ah ! Ki n's-avans bon
Avou l' T.V.A. da Gaston.

L'ancyin sistème di taksèdje
Èsteût vormint dja fwèrt ûzé.
Il èsteût dimnou, djâle m' arèdje !
On vî machin tot démodé.
Mins Gaston k' è-st-on fin oûhê,
I troûve ine sakwè d' novê.

Lès-ans passés, faléve coler
Dès timbes so tos lès documints.
I lès faléve bin ralètchi
Si on voléve k' i plakinje bin.
On-z-aveût li linwe tote frèzèye
Cand-on n'aveût plaké 'ne voléye.

Asteûre, n'a pus dandjî d' çoula
Paski n's-avans st-on novê plan.
I sufît d' marker T.V.A.
Sîj, catwaze ou dî-ût' pourçants.
One chance : c' èst co çou k' nos magnans
Ki nos payans li mons d' pourçants.

Mins, c' èst so lès-ôtomobiles
Ki n's-èstans fâmeûzmint taksés.
Mins i n' fât nin k' on s' fasse dèl bile,
N' a nole avance di s' tracasser
Ca nos-avans li contintmint
D' impli l' kèsse dè Gouvèrnemint.

I parètreût ki l' an ki vint,
Li T.V.A. sra aplikée
D' après l' cantité d' èkscrémints
Ki n's-alans lâcher ô W.C.
Si nos n' volans nin payi trop tchîr
On pôrèt bin s' ratni dè tchîr...

Li T.V.A., c'èst come ôte chwès
I fât bin s' î abituer.
D' ayeûr on n' nos dène nin l' chwès
D' aksèpter ou dè réfûzer.
Mins çoula n' nos èspêtchrè nin
Dè co tchanter on côp nosse refrin.